

QVÆSTIO MEDICA,

QVODLIBETARIIS DISPUTATIONIBVS

MANE DISCVTIENDA IN SCHOLIS MEDICORVM,

Die Iovis, III. Decembris,

M. IACOBO COVSINOT.

DOCTORE MEDICO PARISIENSI,

& Professore Regio, Præside.

An vt Corporis, sic Animi morbis Medicina medetur?

HOMO Naturæ amasus & corculum, duabus dissimilimæ fortis partibus animâ & corpore componitur. Corpus fluxum, caducum, morborum insultibus tam internis, quàm externis expositum, temperatissimum tamen, optimèque, & convenientissimè conformatum. Anima divina, immaterialis, immortalis, rationis & intelligentiæ sola particeps, disciplinarum omnium capax, tametsi cùm primùm in corpus infunditur, (infunditur autem absolutâ *τὴν ἐν*, à quo tempore factum perdere, vel maternæ salutis nonnullâ spe, homicidium est, legibus Politicis, Medicis, & Hippocratico Sacramento vetitur) cunctarum expertus est, instar tabulæ in qua nihil adhuc exaratum fuit. Habet vtraque pars suos affectus. Corpus morbos omnis generis, similes vnâ ad intemperiem referendos, cùm formæ, aut materiæ nulli sint, organicos, communes: acutos, chronicos: mites, malignos: sporadicos, populares, qui à Medicis, non propter Therapiam observantur, cùm nihil malignitatis à cælo mutuatur, ne verè pestilentes quidem, qui vt à vulgari putredine ortum ducunt, sic crebrâ venæ sectione, & apertis medicamentis, specificis nullis oppugnandi. Anima non minùs ægrotat in furore, in delirio, amore, melancholia, luctu, irâ, & id genus, tum perturbationibus, tum abalienationibus. Hoc tamen discrimen est, quod Animæ morbi graviores *δυσδιαγνωστοί, δυσθεραπεύτοι*. Vnde hoc? An quia gratus est nonnunquam ægrotantibus suus error? *ὡς τὸ ἐπὶ τοῦ γὰρ αὐτοῦ. ἡδίστος βίος*. An quia ægrotare se non percipiunt, opemque recusant Medicam? Pessimum verò morbi genus, & laborantis animi *τὸ κρυφαῖον*. Quibus causâ doloris adest, &

Edictio secunda, 1647.

A

dolorem non sentiunt, his mens ægrotat. Morbi animæ à contagione corporis ortum ducunt, imò & mores ab eiusdem temperamento, propterea nequaquam inanis est Physiognomonìa, nec eleganti Medico respuenda.

VT RIQUE morborum generi feliciter medebitur, qui nihil eorum quæ secundum Naturam sunt, nihil eorum quæ præter, ignorabit. Sed ἡμετέριον à prioribus. Φύσις τοῦ σώματος ἐγγὺς τοῖς ἰατρικαῖς λόγοις: quidni & τίς ἰσχύει? quæ ignoratà necesse est multa inter medendum vitia ignorari. Elementa corporis remotiora sunt, non commentitia Chymistarum, Sal, Sulphur, Mercurius, sed vulgata quatuor. Proxima, humores vt qualitibus, sic sedibus, & viribus distincti. Legitima elementorum permistio temperies est, quæ ἰατρικῶς nusquam reperitur. Ex humeribus partes ipsæ spermaticæ quæ frigidiores, carnosæ, similes, organicae, totum denique coagmentatur. Sed accuratam corporis notitiam consequi impossibile est, nisi per analysin anatomicam. Insaniebat haud dubiè Paracelsus, cùm Medicos ab anatomico studio dehortabatur, & ridiculam nescio quam anatomen, in eius locum substituere tentabat, à quo pestiferæ doctrinæ veneno vt reliquis impuri nebulonis delirijs, me auctore veræ Medicinæ amatores studiosè sibi cauebunt. At enimvero, hærentne Medici in sola corporis perulstratione, nec de anima philosophantur? Estne physiologia medica solius corporis? Nequaquam verò, sed licet eius essentiam utpote ἄγνωστον, prætermittant, functiones tamen accuratè peruestigant, ex quibus colligunt facultates: facultatum natura non adeo obscura esse potest ei, qui ad functiones attenderit, quæ à facultatibus profluunt, non secus atque anima facultatum fons. Facultatem propterea rectè definiero, qualitatem operandi principium, si nãvis, αἰτίαν τῆς δραστηριότητος αἰσθητικῆς. Eorūque progrediuntur in explicanda anima Medici, nec Galeno crimini vertere licet, quòd ignotam sibi animæ substantiam professus sit: substantiæ rerum nos latent. Ille ipse tamen æquè bene animæ naturam aperuit, & expressit, quàm Aristoteles, qui definire tentavit, & vocabulorum novitate atque obscuritate, quasi atramento sepiæ, fortasse de industria, sententiam suam obvelavit.

FELICITAS humana sanitas est, aut sine prospera valetudine consistere nequit, modò sanitatis nomine mens sana in corpore sano intelligatur. Hanc incorruptam tueri vni Medicinæ datum est, quemadmodum & imminuentem fati necessitatem retardare, vitam prorogare, attrita & imminuta vitæ principia fovere, augere, refarcire. Nolim tamen quemquam esse tam credulum, vt Ægyptii Sophistæ, vel similis alterius impostoris pollicitationibus fidem habeat, & vel ἀθανάσιον, vel ἀνεγέσθαι speret. Velimus nolimus, labuntur anni fugientes cursu præcipiti, subeunt morbi, tristisque senectus, & labor & duræ inclementia mortis. Omnes eodem cogimur, seriùs ocyùs si valetudinis artem negligamus, tardiùs si servemus. Et præcepta quidem pauca sunt, ἀνείκελές τις ἀόριστος νόμος, ὅτι μάλιστα αὐτάρκεις. quisquis vel vno eorum peccat, dubiam illico sanitatem suam facit, vt maxime mira sit cæcitas atque amentia mortalium, qui rem adeo caram mirificè contemnunt, & vel gula,

vel inertia, vel venere (nunquam non intempestiva) immaturam sibi mortem accelerant. Plures occidit gula quam gladius: facilius crediderim homines vivacitatem consecuturos, si temperanter & sobriè degant, quam si Cynos Corisicæ incolas imitètur, quos *μαρτυροῦντες* existimavere Veteres, quòd melle assidue vterentur. Atque his legibus quisquis obtemperabit, non corporis modò, sed & animi sanitatem sibi comparabit. Nam corpus onustum hesternis vitiis, anum quoque prægravat ipsum, atque affigit humi divinæ particulam aurè. Verumtamen hæc sanitatis artificii non sunt satis, nisi peculiarem animæ curam suscipiat, & pathemata (quibus tanquam levioribus morbis sanitas animæ convellitur) moderetur: evellere, ac radicitus extirpare, non modò non possibile est, sed ne optandum quidem.

ALTERVM Medici officium ad propulsandos tam animi, quam corporis morbos pertinet. Hos nisi accuratè cognitos nunquam aggreditur, non intellecti nulla est curatio morbi. Prognosis æquè necessaria, quæ & Medicum maximè admirabilem reddit, & ab impendentibus liberat calumniis, nec eum patitur deploratis ac morbo victis, manum adhibere. Non negamus tamen, quin vnus quispiam è multis millibus nonnunquam reperiatur, qui desertus à Medicis *in μαρτυροῦντες* convalescat. Ad curationem quod attinet, accommodatis remediis, terribiles vincuntur morbi, sed excogitandi remedii methodus multiplex hæctenus vsurpata fuit, nec vna tentata est via. Placebant Methodicis Communitates quædam. Placebat Empiricis Observatio. Chymici ad Universale quoddam remedium morbis omnibus peræquè conveniens aspirant. Vana omnia. Instrumenta duo sunt, in eam rem nata, *ἰνδεδίκεται*, indicatio vnica est, Contraria Contrariis curari, morbos, & eorum causas cum suo satellitio ablationem sui postulare. Novator Paracelsus, homo temulentus, *ἀπονοστήσας ἀντιδόσεις*, homines tam bardos ac stipites existimavit, vt ipsi persuadere posset morbos similibus pelli. Experientia licet fallax, per obscuras Naturæ tenebras, vtcumque viam regit. His sultus præsidii, legitimus medendi Artifex, in Hippocratis & Galeni doctrina potiùs, quam Theophrasti Scholâ, aut fornace Chymicâ eruditus, in quamcunque plagam devenit, ægrotantibus suppetias ferre non dubitabit, & remedia Diætetica, Pharmaceutica, Chirurgica, quæ convenire arbitrabitur, observatis diligenter cautionibus, & diorismis, præscribere. Obscurantibus ministros habeat necesse est, qui iussa ipsius exequantur, cibos parent, venas secant, plantas evellant, purgent, &c. Non qui medendi auctoritatem, pari inscitia ac impudentia arripiant. Nihil obstat tamen, quin vbi commodum videbitur, ad vilia ista Medicus in se se demittat: vt sanè Imperatorem strenuè pugnare, ac gregarii militis officio fungì, nemo vnquam conquestus est, militem imperandi ius sibi arrogare, nemo vnquam patienter tulit.

VT Facultatum genus quoddam, Animæ proprium dicitur, & inter Facultates animales, præcipuè tales putantur, quæ Rectrices, Principes, *ἀρχαὶ καὶ ἡγεμόνες* nominantur, sic affectus earundem pari iure animi proprii censerì debent, cum in his non tam corporis vitium, quam mentis observetur, mens-

que non perinde suas exercere possit actiones. Ac propterea animum agrotare dicimus, vbi vel ratio, vel imaginatio, vel memoria oblæditur. A prava corporis constitutione, quin istud proficiatur, nulla dubitatio est, vt vice versâ nonnunquam fit, vt ab anima morbus in corpus transfundatur, & amoré, mœroréque, non minùs quàm atrophîa contabescat, aliâque patiatur corporeorum morborum consecraria. Habet vnaquæque sanctio sua vitia, quæ seorsim, aliis illâsis consistere nihil vetat. Phantasia peculiaria sunt Catalepsis, Vertigo, Ephialtes: Memoria, Oblivio, Torpor: Ratiocinationis, Dementia, Fatuitas, Delirium. Delirium si cum febre, Phrenitis, aut Paraphrenitis: Si absque febre, Mania, aut Melancholia. Melancholiæ pathognomonica, ὀβρός, δυσθυμία, timor à colore nigro. Sed Melancholicorum ἔσθας πικρὴ παλυτρόπος ταραχὴ quis satis miretur? Cùm vel tuta timent, putâ ne Cælum ruat, fessio, & fatiscens Atlante; vel formidolosa nihil curant, ne mortem quidem, vel absurda prorsus sibi persuadent, se testas esse, gallos gallinaceos, lupos, ἀκρίλους, veneno potionatos, à dæmonibus obsessos, mortuos, &c. At idne etiam Medicina proficitur, vt vitia ista emendat, & laboranti animo medeatur? Maximè verò, tametsi contumaces sunt vt plurimum affectus hi, & verè Medicorum cruces. Hoc tentat primùm iisdem artibus, quibus corporeos affectus pellit, Diætâ, Chirurgiâ, Pharmaciâ. Non credo tamen esse vllum medicamentum, ne Homericum quidem Nepenthes, aut buglossum, aut aurum (nullâ vnquam arte vel alimentum, vel medicamentum futurum) quod discutiendi mœroris, aut exhilarandi, vllum, quod solvendi aut conciliandi amoris facultate polleat. Vbi hæc vîsita parum proficiunt, quis neget ad alia divertendum esse, tametsi à communi medendi vîu, & methodi legibus remotiora. Sæpe suavitate orationis & verborum efficacîâ, (apage iusuros magicos, characteres, imagines astrologicas) blandiendo, pollicendo, minitendo expugnata est delirâdi pervicacia, ὡς τις πρὸς αὐτὸν ἐπὶ λόγῳ. Valet etiam ad sedandos concitiores animi motus Musica, demulcendis ischiadicorum doloribus, sanandisque viperarum, & phalangiorum ictibus, nequaquam inefficax. Denique in summa desperatione, & obstinatissimo mentis errore, nonnunquam singularis quispiam dolus profuit, & quasi ἰατρικὴ quoddam prudenter pro re nata excogitatum, ægotantem è præcipiti exitio revocavit.

Ergo vt Corporis, sic Animi morbis Medicina medetur.

Proponebat Lutetix, IOAN. BAPT. FERRAND,
Andegavensis, Anno R. S. H. M. DC. XXVI.

DOMINI DOCTORES DISPUTAVRI.

M. Claudius Quiquebæuf.	M. Franciscus Pyart.	M. Michael Tontain.
M. Thomas Gamare.	M. Petrus Girardet.	M. Robertus Le seqq.
M. Antonius Charpentier.	M. Antonius Robin.	M. Simo le Têllier, M. R.

*cette thèse est la 690^e du tome IV inféro
des thèses de la faculté.*